

地骨皮飲 治小兒骨蒸潮熱往來心膈煩悸及傷

寒後氣未解

柴胡去蘆

地骨皮各貳兩

知母

甘草炙

鼈甲醋炙

黃芩

人參各貳錢半

赤茯苓半兩

右剉碎壹歲貳錢水陸分薑梅各壹片煎參分不

拘時服

柴胡飲 治骨蒸疰氣五心煩熱日晡轉盛口乾無

味渴多身瘦胸滿痰緊小便黃色食減神昏

北柴胡

人參

當歸酒洗

黃芩

赤芍藥

甘草

炙各壹兩

大黃

桔梗

去蘆剉炒

北五味

去梗

半夏

各半兩

右剉每服貳錢水壹盞烏梅小角薑貳片煎柒分

無時溫服

鄭氏犀角飲

治小兒骨蒸潮熱盜汗肌瘦

犀角屑

鼈甲

醋炙

柴胡

知母

各半兩

地骨皮

胡黃連

各壹兩

川大黃

桃枝

各半兩

咬咀參歲壹錢服水半盞煎服無時

靈犀飲 治骨蒸潮熱盜汗咳嗽可食多渴面黃肌

瘦肚急氣麤虛熱餘熱通用

犀角屑

胡黃連

各半兩

白茯苓

人參

川芎

秦艽

甘草

羌活

柴胡

桔梗

地骨皮

各壹兩

咬咀參歲壹錢水半盞烏梅竹葉各少許煎

尅効湯

見朝熱

化癖丸

見癖

五心熱甚煩躁不安手足時欲露出小便赤澀

謂之煩熱八珍飲子七寶散皆可服之若脣深紅飲



水不止以竹葉石膏湯加硃甘露散治之

一粒金丹 治小兒五臟蘊熱胸膈煩悶五心煩熱

人參

犀角

玳瑁

琥珀

防風

茯苓

寒水石

煨

甘草

龍腦

硃砂

水飛各半錢

右爲細末入麝半錢用陳米糊丸芡實大金箔貳

拾伍片爲衣麥門冬去心煎湯下

絳雪丹

治小兒煩熱

芒硝

壹兩

硃砂

壹兩



右爲末飯丸芡實大參歲壹丸沙糖水化下

地黃煎丸

治小兒風壅上膈熱煩鼻衄口瘡咽喉

腫痛口舌生瘡或血熱五心常熱多渴飲水

生地黄

熟地黄

各壹兩

薄荷葉

壹兩壹錢

甘草

微炙

山梔仁

玄參

各柒錢半

片腦

半錢

右爲末煉蜜爲丸如芡實大每服壹丸白湯磨化

乳後服

竹葉石膏湯

治小兒虛羸少氣氣逆欲吐四體煩

熱

石膏

兩參

半夏

洗

人參

各柒錢半

麥門冬

去心壹兩

甘草

炙柒錢半

淡竹葉

把半

右剉碎每服貳錢用水陸分粳米參肆拾粒生薑貳片煎至參分去坦不拘時服

加硃甘露散

見驚熱

**潮熱**熱有作止每日應時而發謂之潮熱如潮信之不失其期也錢氏云假如潮熱是一臟實一臟虛而內發虛熱也法當補母而瀉本臟則愈且如日中發潮熱者是心虛也肝為心之母則宜先補肝肝實而後瀉心心得母氣則內平以潮熱愈也醫見潮熱妄

謂其實乃以大黃朴硝輩諸冷藥利之利既多矣不能禁約而津液內竭縱取一時之瘥鮮有不成疔病而身瘦也 薛潮熱有風寒疔積食癖之分陰陽虛實五藏之異如汗出身熱呵欠面赤者風熱也傷寒時疫陰陽相勝外感熱也肌瘦口乾骨蒸盜汗疔熱也大小便秘澀汗下不解積熱也腹背先熱夜發旦止食熱也涎嗽飲水乳食不消癖熱也又有煩熱者氣麤喘促心躁不安頰赤口瘡無發癰證瘡疹熱者耳鼻尖冷血熱者已午間發至夜則涼虛熱者困倦少力發於病後陽邪干心則來去不定陰陽相勝則



寒熱如瘧前證在小兒有因乳母或妊娠七情厚味  
遺熱或飲食停積衣衾過暖及頻浴熱湯而爲患若  
寅卯辰時熱而力盛飲水者肝經實熱也用柴胡清  
肝散熱而力怯飲湯者肝經虛熱也用六味地黃丸  
巳午時熱心經也實用導赤散虛用秘旨安神丸申  
酉戌時熱肺經也實用瀉白散虛用秘旨保脾湯亥  
子丑時熱腎經也用地黃丸大凡壯熱飲水大便秘  
結屬實熱用二黃犀角散下之熱渴飲湯大便如常  
屬血虛用四物湯補之若下後陰虛陽無所附而仍  
熱用四物參芪汗後陽虛陰無所生而仍熱用四君

芎歸若汗下後煩渴面赤血虛發躁也當歸補血湯  
若見驚搐等證肝血虛而內生風也用四物天麻釣  
藤鈎頰赤口乾小便赤澀大便焦黃表裏俱實熱也  
用清涼飲子如大便已利或熱未止表邪未解也惺  
惺散未應加麻黃微汗之既汗而仍熱此表裏俱虛  
氣不歸源陽浮於外而虛熱也六神散加粳米陽氣  
下陷於陰中而發熱者用補中益氣湯若乳下嬰兒  
當無治其母 曾氏先用百解散發表次以當歸散  
及三解散治之脉實者以大柴胡湯下之虛浮數者  
百解散微汗之若發熱而嘔者小柴胡湯和解之

錢地骨皮散

治虛熱潮作亦治傷寒壯熱及餘熱

知母

甘草炙

半夏洗

銀柴胡去蘆

人參

地骨皮

赤茯苓各等分

如有驚熱加蟬蛻天麻黃芩若

加秦艽名秦艽飲子

右爲細末每服貳錢生薑參片水煎食後溫服量

大小加減海藏云地骨皮散卽小柴胡湯加減法自汗者地骨皮散無汗者柴胡湯三黃

湯仲景所用錢氏改諸丸散加減並出古法

生犀散見心部

田犀角散 治小兒骨蒸肌瘦頰赤口乾晚潮熱夜



有盜汗五心煩躁四肢困倦飲食雖多不生肌肉

犀角末

地骨皮

麥門冬

枳殼炒麩

大黃蒸

柴胡

茯苓

赤芍藥

黃芪

桑白皮

人參

鼈甲醋塗炙各等分

右為麤末每貳錢入青蒿少許水煎量見大小加減壹鍾煎捌分食後溫服

丹小兒潮熱盜汗胡黃連柴胡等為細末煉蜜丸炙

實大每貳丸酒化開入少水煎小沸服

錢秦朮散 治潮熱減食蒸瘕

秦艽

去頭切焙

甘草

炙各壹兩

薄荷葉

切焙半兩

右為麤末每服貳錢水壹鍾煎捌分食後溫服

**潔**潮熱有時胸滿短氣者桃枝丸

見積熱

人參芎歸散

治小兒虛勞內熱潮熱或徧身瘡

北參

當歸

遠志

浸取肉薑製焙

北前胡

柴胡

地骨皮

防風

北桔梗

枳殼

製

半夏曲

各壹錢半

川芎

赤芍藥

茯苓

麥門冬

去心各貳錢

甘草

叁錢焙

右剉細每服貳錢水小盞薑參片紫蘇葉叁肆葉

發瘡者無服猪肚黃連丸方見疳門別作小丸不  
惟治瘡治渴其發熱而脹者可與服貳拾丸

十味人參散 治潮熱身體倦怠

柴胡

甘草

人參

茯苓

半夏

白朮

黃芩

當歸

芍藥

葛根

右咬咀水壹鍾薑參片煎服

薛方

柴胡清肝散

見肝熱

六味地黃丸

見腎



導赤散

見心部

秘旨安神丸

見心部

瀉白散

見肺部

秘旨保脾湯

見脾部

二黃犀角散

見溫壯

四物湯

見失血

當歸補血湯

見虛熱

六神散

見夜啼

曾氏方

百解散

主和解百病虛慢陰證不宜

乾葛

貳兩半

升麻

赤芍藥

各貳兩

黃芩

壹兩

麻黃

製柒錢半

薄桂

去麋皮貳錢半

甘草

壹兩半

右碎每服貳錢水壹盞薑貳片葱壹根煎柒分無

時溫服有風熱盛加薄荷同煎

當歸散

順調氣血和解表裏爽利心腹踈理百病

及治溫熱停積自痢煩躁不寧

當歸

去蘆酒洗

赤芍藥

各貳兩

甘草

半生半炙壹兩

大黃

半生半泡壹兩貳錢

川芎

麻黃

製各半兩

右碎每服貳錢水壹盞薑貳片煎柒分無時溫服

三解散

一名寧心湯

主上焦蘊熱傷風面紅目赤狂躁

氣急渴水驚啼煩悶丹毒口瘡痰嗽搐掣

人參

防風

各去蘆

天麻

茯神

去皮木根

鬱金

如無山梔仁代

白附子

大黃 各貳錢半

赤芍藥

黃芩

殭蠶 各伍錢

全蝎 拾伍尾去尖毒

枳殼 貳錢如前製

粉草 陸錢

右碎焙為末每服半錢至壹錢用溫薄荷湯無時

調下或燈心湯

大柴胡湯 解利風熱痰嗽腹脹及裏證未解

柴胡 去蘆肆兩

黃芩

芍藥 各壹兩半

大黃

半夏 如前製各柒錢半

枳實 如前製柒錢

甘草 壹兩小方故加用

右碎每服貳錢水壹盞薑貳片煎柒分無時溫服



小柴胡湯

半表半裏熱

**書**

全嬰方小兒每早食後發熱夜則涼世醫多謂

虛勞或爲疳熱不知此血熱證也宜龍膽丸地黃膏  
之類時時與服即瘥按全嬰方所云血熱者巳午  
發熱遇夜則涼與東垣所謂夜則發熱晝則明了不  
同然東垣所云血熱者指陰虛而生內熱也夜則發  
熱晝則明了取其晝陽夜陰也鄭氏所云血熱者指  
小兒血盛實而言也蓋謂巳午者心火用事之時也  
心主血血氣行至巳午則陽氣盛陽氣與正氣相搏  
故至期而發熱非其時者非血熱也

**薛**

一小兒寅